



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Ecclesiastes.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

omnis, inquam rei, quam hactenus hoc capite tractauit. Tunc enim neque temporum neque officiorum vicissitudo nos vlla iactabit, sed stabilis nos excipiet æternitas: & qui naturæ opera intellectu consequi non potuerunt, ex illis tenebris aliquando tandem emergent: & qui addendo ac detrahendo cogitationes suas exercuerunt, iam in Dei operibus ac iudiciis acquiescent, omniaque perfecta ac iusta esse cognoscent: & quibus iniqua iudicia mœrori fuerunt, iam diuinam prouidentiam venerabuntur: & qui iniquis iudiciis oppressi sunt, in supremi Iudicis æquitate respirabunt: & ipsi iniqui iudices digna factis supplicia persoluent, ac denique huius vitæ vanitas in veritatem, tenebræ in lucem conuertentur. Sed quoniam interim probis ac improbis, imò brutis & hominibus promiscua contingunt omnia, & alta caligo discrimina rerum, vt in nocte colores, obruit, mox subiicit Ecclesiastes grauissimam hanc tentationem.

SECTIO SEXTA.

ECCLESIASTES.

VERS. 18. Dixi in corde meo de filiis hominum, vt probaret eos Deus, & ostenderet similes esse bestiis.

*⁹ Frequens
lectio ha-
bet: Quia
vnus est
euentus vel
occurfus*

19. Idcirco vnus^a interitus est hominis & iumentorum, & æqua vtriusque conditio: sicut moritur homo, sic & illa moriuntur: similiter spirant omnia, & nihil habet homo iumento amplius: cuncta subiacent vanitati,

20. &

20. & omnia pergunt ad vnum locum: de terrâ facta sunt, & in terram pariter reuertuntur.
 21. Quis nouit si spiritus filiorum Adam ascendant sursum, & si spiritus iumentorum descendant deorsum?

METRICA PARAPHRASIS.

HEV! quibus mentes hominum tenebris
 Nullo interprete deuiant!

Nosse dum curâ ancipiti laborant,

Quid distent homines feris.

Sors enim cunctos eadem sinistris

Letisque obuia detinet.

Pestilens vdo Ioue ventilata

Si terra incubuit lues;

Lurido, iuxta ac hominum, ferarum

Tabo corpora diffluunt.

Si niuem spargit Borealis Vrſa,

Aut calo Procyon furit;

Frigus humanum glaciât cruorem,

Æstusque exanimat feras.

Coniugis postquam gremio solutis

Aether nubibus influit;

Fruge turgescens alimenta utrisque

Tellus dadala parturit.

Si iuuat mulcens hominem voluptas,

Non lætat pecudes minùs

Tela dum spargit pharetratus Infans,

Et Cypris geminat faces;

Concipit flammâs hominum propago,

Et vulnus patitur fera.

Y 2

Dum